

柳巷詩集

全

5563.7  
4522

BERKELEY  
LIBRARY  
UNIVERSITY OF  
CALIFORNIA

Carpantier





近世名卿有若柳巷韓文敬公志行之高識見之明  
爲一時士林之模楷而書法絕倫爲一世之所重也  
遇知玄陵久居喉舌嘉謨啓沃裨益弘多及其待人  
接物必施以誠不妄毀譽所與從遊牧隱平齋諸公  
又皆縉紳之選漸濡磨礱相觀而善亦可謂極矣公  
之典銓選也予以後進忝爲寮佐嘗一日同直闕下  
予方食觀書公笑曰我知君不主敬口有食目有觀  
心主一乎予聞之悚然自後雖不能勉亦不敢忘公  
之一言爲吾終身之益凡公所以規正於人者皆此  
類也公於詩早有聲爲益齋稼亭所稱賞晚乃益進  
謹守三尺有問之者必竭兩端陶隱輩始得盛名凡  
有著述必請公就正有所去取莫不忻然而服充然



而歸以予不敏往往亦幸得蒙不鄙而領之者矣公  
有四子皆克肖相繼捷高科者三人箕裘相業福祿  
未艾由公教誨之力也嘗典貢舉所取多達官聞人  
世皆服其鑑裁之精嗚呼公言行才識皆可爲士君  
子之師範詩特其緒餘爾晚年閒居又與牧隱同里  
開杖屨相邀吟哦往復二老風流高致讀其詩可以  
想見也柳巷其里名因以自號平生著述自以不滿  
而不收捐館之後諸子裒集逸稿得若干首真所謂  
泰山之毫芒也然觀其簡潔冲澹高出意表如聞王  
聲清越以長多乎哉不多也仲子政堂尚質與兄弟  
謀將壽諸梓以予事公久托以序不獲辭爲略叙公  
言行大槩以冠編首俾後之觀詩者知其可法不但



於詩而已洪武三十一年戊寅夏後學陽村權近序

韓文敬公墓誌銘

韓山君李檣撰

予年十六七喜從詩僧遊至蓮寺儒釋雜坐啜茶聯  
句文敬公年纔十二三每有的對衆皆驚嘆雖老於  
文墨者推讓不敢齒予固心異之歲丁亥吾先君知  
貢舉文敬果中高第時年十五歲也落第者服其才  
皆曰韓生非邀幸也先是以門陰再為真殿直別將  
不求仕討論墳典從益齋先生讀左傳史漢作字真  
草皆入妙歲己丑聰陵襲位補德寧府注簿召置政  
房為必閣赤歲辛卯遜于江郭公從之玄陵召還不  
即用歲癸巳授典儀注簿又為必閣亦明年遷典理  
佐師知製教又明年再加通直郎成均直講奉善大



夫成均司藝皆帶藝文應教知製教歲丙申為中  
散大夫秘書少監知制誥明年遷兵部侍郎翰林待  
制無史館編修官知制誥又明年進中大夫國子祭  
酒知制誥歲壬寅再轉典儀典校二令階中正明年  
秋加奉順大夫判司僕寺事右文館提學冬拜正順  
大夫密直司左副代言寶文閣提學知製教知興工  
司事明年進右副代言又進左代言歲乙巳春辛朧  
得幸於上其跡甚秘公知之密告曰朧非正人恐致  
亂願上思之非臣誰敢言上方愛倖朧夏判書禮儀  
秋進軍簿蓋疎之也冬十月丁父憂終三年制上以  
前言猶不用歲辛亥秋朧敗上曰韓脩有先見之明  
可急召來乃授榮祿大大理部尚書修文殿學士居



數日上念銓選重事也非聰敏精密不足以授其柄  
吾思惟韓脩其人也於是拜正議大夫密直司右承  
宣寶文閣學士知製敕知民部事知銓選冬進左承  
宣兼判衛尉寺事充春秋館修撰官知樞部事歲乙  
卯夏拜奉翊大夫密直提學藝文館提學同知書筵  
事秋陞簽書同知春秋館事明年改同知密直夏五  
月同知貢舉取今判書鄭摠等三十三人時稱得士  
秋進知司歲戊午封上黨君進賢館大提學階大匡  
錫輸忠贊化功臣之號己未冬復簽書明年春封清  
城君階重大匡癸亥秋拜匡靖大夫判厚德府事右  
文館大提學知春秋館事上護軍功臣號如故歲甲  
子三月二十八日以病卒于第上悼甚遣明酒誄書



以致祭謚曰文敬國人皆莫悼曰斯人也年纔五十  
二而遽亡天道矣為至此耶卜日葬于臨津縣瑞谷  
南麓先塋禮也韓氏上黨大家曰蘭三韓功臣也曰  
謝奇金議議大夫實文閣提學知製教於公為曾祖  
曰渥宣力佐理功臣壁上三韓三重穴佳上黨府院  
君謚思肅佐忠惠王位冢宰功在社稷配食宗廟於  
公為祖思肅生子五人皆為名宰相其諱公義者由  
密直封清城君謚平簡娶密直司右代言兼監察執  
義慶公諱斯萬之女於公為考妣元統癸酉八月二  
十二日生公公諱脩字孟雲娶吉昌府院君權公諱  
適之女益山君洪公諱玄遂之外孫也生四男六女  
男長曰祐復改尚桓聰敏好讀書今為三司右尹次



曰善復改尚質庚申科第三名今為西北面都觀察  
點陟使無兵馬都節制使平壤尹次曰尚敬王戊科  
第三名今為工曹摠郎無尚瑞少尹知製教次曰尚  
德乙丑科第九名今為宗簿寺丞女長適司憲執義  
安景儉次適成均直講李作次適大護軍權邦緯次  
適護軍任中善次適成均學生朴登次適司憲糾正  
田甫孫外孫男女若干人皆幼以國制二子登科廩  
其母終身今權夫人封為靜寧宅主享其榮養公之  
含笑地下可知已公之仙去今已八年而聲音容貌  
在吾心目何日而忘之耶觀察公與昆季請銘幽堂  
予以病未果者久矣日遠而請愈勤嗚呼吾以文敬  
之請嘗銘其考平簡公矣今又銘文敬其亦可悲也



已銘曰

玉壺置冰維公之清塵匣開鏡維公之明長子純綺  
無華靡事將於詩書絕絲毫利孝友忠信蕪靜寬和  
宜至眉壽天奪奈何維其多子有才有義公名之傳  
如在于世我銘父子心胡不傷庶其垂裕子孫其昌



教

陽村權近製進獻於文集

王若曰死生之理通乎陰陽是人物之常道君臣之義篤於終始為國家之恒規矧所事之師儒宜特加於恩禮故輸忠贊化功臣匡靖大失判厚德府事右文館大提學知春秋館事上護軍韓脩學傳瀛洛筆繼鍾王早承先考之知久荷代言之職入告于后必陳經世之謨慎簡乃僚俾受傳予之命茲以幼冲之日獲聞教誨之言何期天不吊以降灾予靡堪於多難中罹變故雖廢片以授閑終謂登庸必都俞而致理胡不幸而短命乃莫相於我家興言及茲痛悼無已今遣密直司知申事右文館提學知製教魚春秋館修撰官知典理司事廩廷秀賜酒往奠嗚呼氣



煇諸劉姓官映與野同車肅我志西對真聖已  
無日今當審直同映申事云文諸縣學映寧  
楚野賦不幸而遇命以冀歸并非宋興言又茲肅  
變鎮中辭變姑親齊我心楚開務昭登肅必暗命而  
之日蘇聞楚語之言何限天不吊心判又于蘇數并  
必刺致此之類則簡心肅野受肅平之命萃心映中  
楚野王早卷 亦苦之映之辭外言之鄉人吉于以  
文肅大尉學映春映車上驚軍歸肅學射肅欲筆  
并吳豔姑帥忠贊外映到出龍大兵候軍歸車云  
楚肅楚映映為國哀之對映映而車之問肅直楚  
王後曰王主之野肅平創則楚人楚之肅直楚云之

楚

楚肅王早卷



海尚時良顯寶山竊章如燕燕示賦宜味

育渠嬉戲而不一人無失治平念時率而育



有聚散卿隨物化而不疑人無老成予念邦瘁而有  
感尚期貞魄膺此寵章故茲教示想宜知悉



柳巷先生詩集

陽村先生權 近批點

奉和益齋相國東國故事四詩

金侍中騎驃訪江西慧素上人

江上青山疊百層一驃清影倒波澄須知所樂將何  
江西寺在白川地驃清影

事強道尋僧不在僧

鄭中丞謫居東萊對月撫琴  
半輪江月上瑤琴一曲新聲古意深豈謂如今有鍾  
子只應彈盡伯牙心

郭翰林冒雨賞三池蓮花

詩人嗜好與人殊興發陰晴豈有拘賞通三池煩往  
復要着綠葉瀉明珠



金

雪中騎牛遊陂巖

線路縈紆入石間  
羸牛踏雪倦躋攀  
豈唯穩跨無傾覆  
詩眼將窮萬玉山

鄭旅溪家次簡齋韻

無悶去世久雄篇對秋月  
今來訪宅相飲我醉兀兀  
後園松已老東籬菊初發  
愛君說往事一一折毫髮  
題詩慚雲烟騷雅蓋吾弱

泛李郎中入燕京

先生生不識燕山奉表今  
為書狀官難色應綠闕定  
省壯心豈肯在懷安  
不因毛毳衣裘厚遮莫風霜道路寒  
但恐紫髯無蘊籍督郵却作北人看

鄭旅溪家見去夏對雨唱和之什依韻作二首



青山白日欲斜時騎馬無端訪所思對予論文應不  
敢為予下榻恐非耳晚雲紫洞新詩隱喬木中菴古  
畫披清坐杳然塵想絕共看萬景一時隨  
我和清詩繼後時雨中情味尚能思庶微既致一極  
備萬物何緣各得宜畦稻正愁沉汨沒園花更惜雪  
紛披回頭已是年前事開卷茫然百感隨

寄嚴光大禪師

密陽城外好湖山重得吾師定破顏靜夜深禪誰與  
共一聲老鶴月林間

天壽寺庭松

天姿落落不容攀寒氣遙連百里山露濕疎巾對終  
夜月明鸞鳳下雲間



天壽寺西岡

松間緩步得歸遲杖屨淒涼落日時一片薄雲將雨  
過待看明月上荷池

石房途中

嶙嶮石路倦躋攀何寺疎鍾遠出山畏日已分青嶂  
長宿雲猶在翠松間

奉和

竹齋別有春心賞何多門開堂名友賢設酒不美巡  
時時曳輶策細履而繞園當蹊花枝亞戴土藥苗新  
露笋龍鱗折風松石籟喧境靜多異鳥開清無雜賓  
歸來對盡壁儼若昔賢存滿酒甌野裝非薦紳  
詩法絕難問神交則可論真趣固有在親朋况生生



相將倒素蘊雄辯猶雷奔小子掛世網未拂衣上塵  
幸因開客席一洗平生襟

天題有兩簇光彩爭三辰使我貪翫久坐到卧深樽  
知公後萬葉傳寶無價珍耳目所得夥盎然無酒醺  
始信竹齋老誠能樂興人

題羅迂叟詩卷

興

仁德賓天歲九除臣民誰敢忘開帷拂雲靈寢前無  
偶幹事英才各有餘矧予自多稔古力于今宜得不  
虞譽風雲天上迫新寵猿鶴錦南空舊廬特奉調羹  
賜太白共看給札賦相如義談袞袞揚中外趨賀紛  
紛隘里閭晚節收名有如此春闈失利抑何歟人將  
未省日五色天欲使窮書五車嗟我謾期腸繾綣題

詩還愧腹空虛且因懶拙闕人事莫掩門陰侯問踪

送尚州牧使鄭良二首

奉簡朝端肅措紳分符嶺表牧遺民平反一笑吾先料豈有誠身不悅親

孤臣昔歲扈時巡始識高山面目真今日鼎湖弓劍遠送君南望倍傷神

謫至陝州送押送官趙光甫還京

同行踰一旬情意每相親臨別得無淚山城無故人老母病未起三男各千里平生所不夢何失以致此皇天知寸心明月照兩廼送子不能言有淚如瀉水

寄舍弟判書

時判書亦在光州

來時正伯雪霜威今見風花半已飛流落天涯應一



未何時共著老萊衣

次韻答李子庸

騷人本不鮮醒吟好友仍逢識苦心慚愧殘鄉大幽  
僻酒家無處可揮金

題安先生詩卷

水流有本何時盡雲出無心既雨歸漢上平生行樂  
處復夢童冠著春衣  
浩蕩白鷗千萬里斯須蒼狗古今雲何妨即墨不求  
譽無復張湯巧舞文

奉寄呈青城君鄭

一時詰院幾相從屈指天星已再終流落去年還有  
得更聞妙語洗心膏

嶺外諸州我半過江山清肅草溪多愛公名節驚人  
世雲水光中却養和

遠慶尚道按察康副令

我自慶尚至君今將宦遊寸心潛有感尺喙未能收  
金匱世所寶黃流項化漉放勲明峻德禱抗畜陰謀  
抱拙羅秦法投荒作楚囚幸蒙天即宥生見國咸休  
寬令隨時下羈縻獲自由尚殘隻臉茲非為一身  
水賊侵陵數軍官來往稠疲氓長成役恒產罄誅求  
旱甚歲仍惡倉虛賑得周還家猶在目攬轡想搔頭  
行色青春半先聲碧海取何傷遇盤錯固已試剛柔  
封已猶知懼防邊孰効尤一方均雨露萬洛易田疇  
伽落遺風遠雞林往事修廢興懷曩代廉按憶前修



州府千年樹江山幾處樓如能祛弊癘不害縱冥搜  
四月八日陪牧隱先生觀燈金沙嶺明日先生  
示詩謹次韻呈

萬朵紅蓮拱一峰踈踈密密淡還濃  
避觀此夜無如我須信茲山亦可宗  
滿眼繁華漸欲稀始知坐久露沾衣  
兒童喚佛多新語可見遺風世世非

牧隱先生雨中示詩次韻奉呈

破屋雷聲是却邪風吹飛雨入樓斜  
山光漠漠晴千里雲氣濛濛連萬家  
擬趁農夫播嘉種肯隨年少惜殘花  
旱天甘澍真堪賀須使金樽艷九霞

代書寄江西縣令

逐客還家世味疎交親難鉸數行書愛君厚意今如  
昔每使萱堂食有魚

代書寄江陵法曹

人自江陵到玉京必通書札意非輕北堂甘旨憂將  
闕喜見盈缸石決明

代書寄襄陽趙使君宣

出處乖離數載餘而今自嘆二毛初感君厚意如平  
日又惠魚中尺素書

代書寄呈江陵道按廉元正郎宗亮

開東自是別乾坤每恨平生但耳聞珍重按廉書數  
幅滄溟一味况無分

以韓山君詩韻上崔判三司事二絕



鐵原清白舊家風身貴家無粟腐紅百戰山河曾石  
勝更將鍾鼎勒新功  
欲知鼠輩困英風曳死扶傷大野紅五百年間圖壁  
上箕來皆合讓公功

松風軒

一軒清淨意無厭鳳肅龍吟爽透簾醉耳也思同愛  
用可能沽酒引陶潛

絕碣

兩崖千仞絕攀援幾處縈迴漱石根晝夜茫茫向江  
海不知何日得還元

幻菴

生死悠悠是幻身幻菴寄在一微塵松風江月常圍

繞絕學無為閑道人

代書寄全陝州

五倫

千里馳書問我安  
喜君無恙卧星山  
太平都下無新事  
唯見冰翁奉使還

代書寄麟角住持

江陽去歲旅懷寬  
賴有彌天釋道安  
一幅嗣音如對面  
兩封珍貺勸加餐

贈日本僧天祐

天祐釋之徒  
生長日所出  
佳哉慕吾儒  
洒落愛詩筆  
崑岡亂石中有此  
溫潤質雲遊  
見所見  
薰白不留物  
飄然返本尤  
一杯視溟渤  
老我歆高風  
臨別心鬱鬱  
國家聖聖繼  
養民恩至  
悉風俗無  
穿齋島興  
皆富實



奈何不賊繁來徃歲不闕乘間遂殺畧濱海無居室  
大舉欲脩怨杜鼠安可極格言世共知天下之惡一  
交隣固有道禁暴亦有律請歸告主人為我去蟲疾  
使我彼邊人安樂如昔日師乎果有成知爾速成佛

寄慶尚道按蕪康副令

得和

長憶風儀望慶尚去年行處杳茫茫仁人所至灾何  
有一境如今絕寇攘

僕因書碑三徃光岩牧隱先生每欲徃觀以疾  
未果作絕句詩手書見示前後凡九首依韻奉  
和

玉兔光濃經紫陌青驄影薄過黃橋  
來稽首玄陵下五色雲中日正朝

篆額字堪稱入室撰碑才不讓題橋自甘附驥垂無  
極誰慕飛蚊聚一朝

夢裏天容猶彷彿眼前宿草倍悲涼蘋蘩豈足昭明  
信葵藿自然傾大陽

初來猶畏火雲盛再到正欣風日涼今見刻碑垂欲  
盡黃花綠醕作重陽

當年此地聖情深幾度烟蘿照羽林繼志如今無闕  
事在天應亦有歡心

劣能幸遇上知深曾得虛名動士林朱蠟今朝尤愧  
赧毫端未達古人心

山擁精廬碧洞深松風面面作龍吟餘年只合隨僧  
粥縱使歸田計一金



道不教雲間垂波金  
夙仰詔源淵且深不因微恙廢高吟周情孔思時而  
出陋視長門賦換金

次韻奉答牧隱先生

南裔曾為魑魅隣松景杳杳絕音塵生還柳巷吾知  
足豈願浮名絆此身  
喜公買宅作北隣杖屨追隨隔世塵俗客自無來入  
洞雲山不必強抽身

寄交州通栢按部

思菴輔主致時豐才似陳平德不同帷幄平生謀計  
秘彼多陰禍此陰功

中秋夜韓山君見過共坐樓下賞月先生口號  
次韻奉答二絕

皓月無為崇佳賓不費招明年身若健快意憶今宵  
為觀知幾處異趣豈相招寂寞書樓下哦詩度永宵  
書懷寄呈天台都大禪師了圓

窮途自古少為恩去歲江陽絕問存賴我天台讀書  
客白雲香飯獲過門

雪次鄭都官韻二首

皎皎硯池凝氣含蕭蕭窓紙作聲微不知屏跡蝸殼  
卧向似顰眉驢背歸

眼有昏花初恍惚境為銀闕轉霏微溪山處處堪乘  
興不必剡溪乘月歸



夜坐次杜工部詩韻

此日亦云暮百年真可悲心為形所役老與病相隨  
篆冷香殘夜窓明月上時有懷無與語聊和古人詩

題金少年詩卷

自和

陽山清淨錄煙霞應使功夫日日加富貴多由勤苦  
致為儒非腐好傳家

題王蘭上人詩卷

玉藏土石木為潤蘭沒莆艾風傳熏只緣有實不可  
掩渠心非要人見聞

次韻荅檜岩長老倫絕磧

吾師大圓鏡形影照重重城裏塵吹袂山中雪壓松  
應將道根固下隱俗緣濃何日相尋去寸蓬撞巨鍾

正月三日陪韓山君投刺諸家止崖禹相公碑  
迎入勸酒醉之既出路逢故人立語先生之行  
已遠不能追及明日雪中獨坐先生作三絕句  
記前日事見示次韻答之

新年探候効時人瘦馬羸童只自塵昨日連鞍何大  
幸止崖亭上待芳茵

中途邂逅往來人立馬無端落後塵自恨醉中多謬  
誤喜公不問吐車茵

朝來門戶寂無人庭院唯看綠玉塵但得開樽待佳  
客不須舞袖踏華茵

八日次二子詩

尚質光敬

此日陰河盛幽人念獨深雪從鷄在樹雨到鳥巢林



素乏佳時畧端宜閉戶吟多言怪方朔何得見天心  
日往權常減年來坐愈深唯欣肯堂構將見補濡林  
作字能知敬題詩又可吟文章豈不貴要識聖賢心  
畫永知春至燈殘覺夜深兩聲鳴四壁雲氣失前林  
令節還三嘆幽懷復一吟思陝州日聊自慰私心

公自註  
宿官舍

丁巳正月六日到陝州翌日押送官去獨

。初九日又次二子韻

此作在估畢府書中

歲後忽九日陽和布萬家掩符已陳物銀勝又殘花  
嫩色池生草新聲溪走沙此心知亦長無復戰紛華  
次韻奉答牧隱先生

馬上東風野外昏寒雲漠漠厭山園直將人世忘人  
世千偈瀾翻有了元

丁亥忘年最少人豈期承乏爾文臣惜哉天新茲亭  
壽不見孺枝桃李春

門前柳色日將深屋上山禽曉已吟行見皇天降時  
雨肯教神物久淵潛

全陝州見和吾詩復用元韻答之

往時身寄一州安刺史幸逢元次山考績幽明莊我  
事逢人空說去珠還

次韻奉呈牧隱先生

或為平淡或雄深朝作千篇暮又吟人見賦詩如子  
義自知進德似文潛

奉次牧隱先生風雨篇

仲春春光日已曠今朝隨風靈雨濛欣欣品物皆向



榮大和充塞天地中仰觀俯察敬授時八政豈有先  
於農可憐彼氓不在田南北徭役方連延鞭朴狼籍  
笑家口誰肯念及天之天歛怨乃欲迎天休術數異  
端吾惜然閭闔九門既契闊雖有管見難強聒閑居  
亦畏誇讒興屏跡閉口圖苟活漫憑盃酒等唐虞時  
興兒童詠風月詩成自笑技止此潤色須將待東里  
喜公筆端風雨快萬斛泉源深窮已驪江乞退果有  
成我亦穎川歸洗耳

為門生設酌邀牧隱先生

東風習習扇微和設酌南樓賞歲華雜錯盤中無玉  
食婆娑帽上欠絲花光榮賴是高軒過談笑從他吐  
斗斛更喜冰輪十分滿免教列炬散林鴉

求慕亭

至元天子建皇極梯山航海無南北維時日本獨不  
庭我遣信使示威德廷臣縮頭皆自私不願將身馳  
不測吾州之豪郭壯亢膏懷直與天地寬亡軀殉國  
是素志受命甘為書狀官過門不與妻努別掛帆萬  
里輕波瀾海天茫茫鴈飛絕誰識子卿持漢節藥藥  
有子獨在家東望日夜矚內熱陟岵兩眼墜玄花號  
天寸心凝赤血天憐終身慕不棄侍側特送麒麟兒  
覓心真欲寧親軀溫清甘旨無所虧自知不足以悅  
親知無不為常孜孜新亭結構得處所冬不多寒夏  
無暑既開方沼引泉流更植嘉卉迎鳥語春風花開  
秋月明皆可慰吾之惻憺百年養志儘怡愉忠移於



幽懷此鄙守道何曾枉尋尺至今猶自範馳驅所以  
休不滿其德公不怨尤傍人吁嗚呼吾卿所矜式巨  
手作記光竹帛滔滔四海百萬億幾人能盡臣子職  
乃知永慕亭三世天下後世來取則

題嶺梅上人詩卷

為愛生香出等夷盆中培養已多時嶺頭標格孰與  
此幸為幽人寄一枝

題李少年詩卷

婉孌益齋孫心妍如其面欲不墜家風少小事筆硯  
就學法雲寺釋徒多慕戀宜乎惜寸陰將見突而弁  
四月二十日因書神勒碑出城途中有作

前朝兩如霧今朝霧如雨厭浥路傍草依稀田畔樹

宿牌兩岐霏霏今曉霏霏雨增新霏霏草粉粉田細樹

四月二十日書情詩賦出賦室中言亦

披學志雲云辭新多慕慕宜平韻古詞詩良矣而亦

強變益齋新以賦賦其面者不望宋風也少草筆賦

服李少平詩卷

此幸為幽人寄一詩

陽象主香出華夷盆中吐養占多報貽貽無終獲與

貽貽餅工入詩卷

只喚采藥亭三出天不辭出求却問

平外晴光竹席靜靜四新百紫新幾入箱蓋到千

村不謝其辭公不謝其辭人和謝我吾吟一兩餘左耳

四刺北時依前何曾賦長以至今辭何辭何辭何辭



萬山群合聖中聖更何尋巧機處處空并中而青

對韻制

去剛山首雖險三前月餘未半非當選

當時弱態自強難日華中健風來時天邊遠幽州

五羊莫木出山間防機求學擊兩山無無益言必

林美則云

以目圓眼盡妙風西落和軒寒閑意和要盡世人

呈餘蕭主志

尚恐雲霧外萬物逐衆

自外怪鼎中空闊眼界直薄軒一席耳靈升不可

盡而亦蔽野郊終多遠更四山各不同貪看墨四

舉聖冥冥中前障迷夫胡補景入邊出筆端亦呈

微逕冥冥中前朝迷失路漸見人影出峰巒亦呈露  
露頂亦露根倏忽多態度四山各不同貪翫屢回顧  
日將到禺中空闊眼界通乾坤一氣耳變化不可窮  
尚恐雲霧作萬像還矇朧

呈檜巖主法

江月圓明露松風洒落時傳家閑意味要遣世人知

杜羨院江岸

汪洋漢水出山間初孰咤孝擘兩山歸海益當成浩  
浩發源應自延潺潺日華乍動風來軟天影遠涵帆  
去闌回首殷勤別三角月輪未半我當還

渡龍津

萬山環合望中遙更有長江慰寂寥宛在中流清徹



底却疑身已上層霄

過月溪峽

路入懸崖石壁間南臨無地北高山可驚可愕又可  
喜馬上無端一破顏

宿楊根客舍次板上韻

吾生曾見幾山湖此地奇觀入眼無可賦惡詩償勝  
景宜求妙手作新圖驪龍貪睡不行雨杜宇苦啼誰  
哺離古館荒涼人寂寞呼燈照壁以為娛

二十二日途中

日照觀音峰客離楊根館東行未一舍千頃平若按  
清江常在右遠近皆可玩復行十里許歇馬登高岸  
子立江中山遮我望浩汗土人前致辭彼本忠州貫

浮來止於此故以忠州喚同行謂不誠皆發一笑  
靈隱有飛來蒼吾有此伴靜者山之常天常爾何亂  
何慕此而來何苦彼而竄問之終不言臨風獨長嘆  
到神勒寺見前光岩長老果菴

十載光岩主席人驟興江上過今春相逢悲喜不須  
說我亦玄陵侍從臣

題神勒寺

前壓滄浪背淺山松岡左右作重闌舟人指點舊潭  
塔天樂來朝新石壇普濟高風迷六合牧翁妙語冠  
三韓書丹自愧不能釋一片貞眠萬代看

題寬窄山詩卷

四海外非寬一塵中非窄上人閑境界人天莫能測



暢若齋來舟來訪請予飲舟中

驟江烟雨泛扁舟隨意隨流或汴流千點峯巒同暗  
淡兩邊草木各清幽魚因知樂潛相逐鳥識忌機近  
尚浮不有詩仙居此地豈能為此畫中遊

。自神勒寺至驪興樓次板上韻二首

名掛精廬片石端乘舟十里撿孱顏江邊笑別灝殘  
子郡裏來省元次山豈敢久留居客右尚憂小弊及  
民間非才難狀天慳愛且放樓前風景閑

此作在興地  
勝覽

朝來寂喜露乾端無限奇觀解客顏日射清連明四  
壁雲收平遠得重山飛揚黃鶴青冥裏滅沒白鷗波  
浪間莫怪樓中人易老江流日夜未嘗閑

宿夫金家書其壁

清州方井里下見十年餘隣曲多新面茅茨敝故居  
栗林今所植松木獨如初盡力奉其主平頭義可書

宿於即家

瓦屋新成壁未乾老夫適至卸征鞍須知卜地非凡  
眠牧伯判官來此歡

韓惟善尚書見予於高神明日又送于江岸

江邊沙似雪岸上草如茵慶我起君病隣君似我真

宿原州客舍次板上韻

此作在勝覽

雄岳雲峯遠兩行簷聲漸歷晚涼生已欣清景移玄  
圓更聽佳人唱渭城遊子躊躇多古意英雄寂寞有  
高名馬跡到處嗟荒穢此境川原獨通耕

題高遠寺

此寺在勝覽



三十年前似夢間少年交契半黃泉今來高達古精  
舍為有園通大福田四面山屏圍紺宇一條碑石倚  
青天笑談竟夕忘歸路還似當時在妙蓮

曲城染原兩侍中及諸公會于繼亭是時久旱  
晚來雨作韓山君作詩記之次韻奉呈

開到榴花院落深三韓元老此論心冲融和氣凝天  
地颯爽清風滿樹林至德久知能贊化元陽今見變  
為霖會儀偶合溫公禮真率終無醉墮簪

陪放隱先生往天壽寺賞蓮次先生詩韻

三訪蓮池賞轉新愛蓮今世復何人未應樂國在西  
極莫是瀛溪更後身地爽那憂趙有日風香不雜庾  
公塵此間真趣誠難狀喜見詩篇妙入神

滿池雲錦望中新終日芳香遠襲人相對風前愛強  
項俯觀水底恐分身半天太華壁無路千古臨川筆  
化塵好向醫王陪放隱一觴一詠此凝神  
花開花落幾回新前度劉郎今老人幸侍高軒尋舊  
迹追懷往事似前身當時共飲荷心酒今日多為松  
下塵物與我皆無盡處坡仙真箇筆如神

是日登吹笛峯

山頂看山面目新橫機似試箇中人八方佳景困詩  
眼六月烈風欺病身躑坐也教清到骨緩行猶欲渴  
生塵如飛上下羨年少並是騷麟秋水神

先生二子孫從遊

賀許簽書新拜政堂次牧隱詩韻二首

軒軒獨鶴離鷄群早識騫騰萬里雲功德家門宜大



振陰陽術數豈虛云鴻樞四載叅機務鳳沼今朝主  
藝文慶事方將來未已會看手把桂枝分

由來同氣自成群從虎有風龍有雲六次為僚曾袞  
袞兩相無隱每云去賀筵敢訴傷於酒老境尤欣會  
以文更聽尊兄談舊事團圞不覺夜將分

送紺岳長老芳上人

出世居家縱異端功夫各要此心安臨分求語予何  
語願副他時晤目看

陪牧隱先生至安心寺見九齋諸生刻燭賦詩  
明日先生示長篇次韻奉答

於穆玄陵重儒術寢廟學宮雙崑崙講明吾道惠生  
徒便蕃雅樂來帝都庶幾周文歌旱麓豈弟作人調

樓中百和而辭吾不吐吸如安並齊家風雅聞長詰  
公天土人間野俱同得求其姑下坐姪四吾亦奔康  
東西南北自奔行奈何憂如為墓刻如吟萬分出天  
天又出我孤時禱餽結靈米立日神禱無奈因驚燕  
好草軒不羨望烟軒好蓋斯林問目校古人幾變為  
大前指難高下共步緣不精何難分不為每如詩而  
林同賞又姪吾去主背味聖外日更移無育難雲到  
去年中秋月五明東宸對不寐四更前平中秋登此

蕭州館奉味

四月望外邊外劇於主登對惜月眼日榮示耳  
宇則重鼎山林習習玳瑁留此山豈無如  
燕燕書交辭陳冰朋重華難辨風細卷一本續文魁



中畏半予共登林覽晴條青玉又始引旋壽青無木

西嶽遊晴金靈則覽與葦登策心簡答之二

藥味珍氣輦熾祠醺

玉期相語長家山客曾留殘月間遊此思多無那

翠溪品土人精卷

只翻八用創以十世興乘師翼青冥土蟻來時時味

我主百世祠出靈喜攀坐不野幸同里外榮羹珍香

蘇蕭順當凶料藥謝林森來封無入問謝公夫已味

封五示寡合宜羅疎疎坐始心閑成裡蜀因謝蔡結

自昨前蜀外謝夫坐示立言八台精心簡二首

益自計豈獨曰首簡簡

益自計豈獨曰首簡簡

詩音大生真

上

益自信豈厭白首誇龍鍾

自柳浦還牧隱先生示五言八句詩次韻二首  
性迂元寡合官罷孰相追既以閑如野還因懶廢詩  
摘蔬聊當肉採藥擬扶衰來往無人問恠公先已知  
先生百世師出處喜攀追不但幸同里仍蒙屢枉詩  
只隨人用捨恐卜世興衰羽翼青冥上難求報我知

題義砧上人詩卷

江陽師謂是家山逐客曾留數月間遠地思逢無滯  
礙却從京輦識師顏

西海按部金震陽賀見輦登第次韻答之二絕

中男半子共登科賀語新者正又飽况致嘉肴無木  
陸下憂賓客到貧家



能令一道少差科  
山水淮供詩思  
飽晉盜奔秦是誰  
德魚鹽價賤滿家家

賀新登階

千古三韓選佛場  
至今龍象此飛揚  
不知幾箇登階者  
得遇登階內願堂

賀新榜眼李之直次韻二絕

秋門桃李幾番新  
不似乾坤萬物春  
自古文章憎命達  
喜君天合不違人

積德之門慶事新  
亞元名動禮闈春  
二郎眊瞭應天意  
來榜榮親要有人

右一首寄乃翁迺村

送麴生次牧隱先生詩韻

我愛麴生醇令我  
願不違禦寒固無  
敵避暑又可依

能攻愁城破解壯筆陣飛生惟藥藥祿國則念民飢  
所以被放逐今去幾時歸甚欲效朱家跡至生禍機  
不敢匿而遂自計未為非遠出四境外生應賦式微  
何當復從我皺面生光輝

贈李壯元伯中牧隱先生作伯中說李文和字  
伯中

同氣相求理固然壯元尤重是今年東亭衣鉢將傳  
得好辦文選具慶前  
學道求為孝與忠此心標準舜周公綿綿密密提公  
案更把功夫質牧翁

尚州牧使安思祖求書學令

人傑由來積德門三韓民望謹齋孫遠求書字惠縫



掖知子盡心風化源

題慶尚道按廉河右尹忠詩卷

慶尚稱大道廉按屬宏材財賦則三壤風霜並內臺  
寇攘今屢矣報餉亦勞哉當此不失望佳君十倍才

題休上人詩卷得舉字

少小就妙蓮讀書五寒暑當時遊天台未有不我與  
休公何為者不得一與處豈非遠聲利置身山水阻  
物外尚有營為報四恩巨耽圖師之形又印師之語  
奉持恐或怠求得宗儒序隨雲出山來歸錫鶴與舉  
超然不可親五臺何處所何須更稱讚頗殘子所許

題平源上人詩卷

雨無泛溢旱無乾萬像於中摠可觀我始持膠理昏

濁何時得見月團團

書全掌令伯至字說後五倫字

人由運道鮮能思謾說斯民有秉彝自昔愛君高立  
志至今愧我昧勝私優游不倚不流處對越無聲無  
臭時日月至焉猶未至孔顏雖遠是吾師

陪牧隱先生訪尹文仲先生有詩次韻二首

訪舊論心日登高繼目初樹深如入幕山好若披圖  
醉面變閭闔歸途泮望舒先王手澤在悲慨繼歡娛

公自注文仲出示  
先生手筆秋山圖

世故同有極人心難復初切磨欣益友會合信良圖  
秋木未搖落晚雲時卷舒相看無愧負吾道固堪娛  
九日陪牧隱先生登後岡次先生詩韻



年近知天命韻無與俗適駕言復何求吾廬愛幽寂  
盈園霜葩黃映巷炬柳碧澗明骨已朽佳節秋又夕  
百世得其心所賴有文籍

遵彼山下路役物各有適豈知山上人宴坐賞澄寂  
悠然遂落暉半月掛空碧重陽古所名可不樂斯夕  
朗詠陶謝詩宜爾聲籍籍

後園連山岡登高更何適從遊有子弟又足慰岑寂  
秋聲為兩部山色當雙碧準擬嚼黃金飡楚巨炙  
無乃殞自天肴藪頗芳籍

宋判事妻李氏挽詞

夫人德合見玄孫四十年前已九原里巷家家共嗟  
悼況予受業益齋門

次牧隱詩韻奉呈熙恭大司徒三首

道出熙菴無畏菴名揚中國統諸藍上床曾荷一人  
眷麾塵却從群石談山海幾年勞遠夢茶芥今日喜  
相忝我如尺水污泥甚皎潔愛公千丈潭

忠州勝處卧孤菴水色山光掬對藍來為國儲祈永  
命時尋親友縱玄談少年蕭寺思同學中歲燕都記  
往忝回首悠悠真一夢至今依舊月臨潭

使公狼狽置山菴盧杞後身猶色藍空假中觀曾有  
得去來今事豈容談數篇詩要心源洗一炷香從鼻  
觀忝汲引無生如許諾我應搖落任江潭

對雨

朝來細雨洒茅菴似惜千林色撥藍漠漠有時迷遠



望濛濛竟日勸清談  
休輕紅葉飄相觸  
頭重黃花亞  
欲參想見魚見多出  
水豈無簑笠釣寒潭

奉送仲文相國赴雞林尹三首

新羅舊壤我東京  
天下聞知半月城  
府尹出於論道  
列國家從古重蒼生  
之官輦母出松京  
祖道東郊傾鳳城  
豈但平反供一  
笑籜龍遙想雪中生  
此心老去易東京  
况聽離亭唱渭城  
縱或因風達音  
耗豈如對面話平生

或易菴挽詞

首登蓮榜擢高科  
世識心膏列宿羅  
自是天姿明且  
哲更將聖學切而磋  
從容最得隨時義  
坦蕩耶憂鼓

空歌無復垂紳安社稷空留快劍斫蛟鼉

奉題雙清亭次牧隱韻

對面古今迷九疑公心如貌映當時殃祥不是自天  
降善惡由來以類隨王氏三槐聊可比恬侯萬石未  
為奇手栽花木成陰處新起園茅剝掛詩

曉起

仲冬天氣似春深曉起開窓冷不侵樹上鳥聲初聒  
聒牆頭山色尚沈沈

代書寄慶尚道按蕪伯至契友

嶺外江山震蕩餘按行風味果何如未聞安石懸懸  
掛喜見今來兩幅書

奉賀李贊成擊破倭賊次韓山君韻



弟子興尸靡所同丈人無咎見今公豈惟破賊多奇  
策全是行師有古風萬姓皆欣得司命四方何敢望  
爭雄欲知度量真如海蓋世功成不伐功

次韻尚敬藉田途中

咫尺城南久未歸只緣病骨不堪疲服勞自汝成童  
後幹蠱如吾事父時遙想田疇將有事可憐光景盡  
供詩去年種柳應無恙行見新枝裊鳥垂

鷄林府尹寄惠生鮓作五言三絕

海畔人居少人間海錯稀喜公連信使令我奉慈闈  
師旅仍饑饉公私少貯儲憂中還有喜全活幾千餘  
公應花滿眼我已雪生鬢料得相逢日各驚風彩殊  
慶尚按廉寄新茶復用前韻答之

夢尚難寐寄懷茶廚用前韻答之

公夢亦難寐  
如冰如雪生  
歸隱時時到  
日各驚風雨  
相若以難寐  
公好火頭禪  
夢中遇有喜  
全吾幾千劫  
夢中人吾也  
人間夢誰醒  
喜公夢計數  
今降奉慈闈

譚林孫氏寄書主總科正言三餘

掛括去平聲  
亦難寐  
夢中遇有喜  
全吾幾千劫

對神靈  
夢中遇有喜  
全吾幾千劫

夢入江南  
又未醒  
只恐夢骨不  
斯夢如夢  
自好如童

尤簡尚煥龍田

半林燈  
夢中遇有喜  
全吾幾千劫

兼全  
夢中遇有喜  
全吾幾千劫

夢中遇有喜  
全吾幾千劫



日鍊身使堅壯為煙入精粹氣味未味嘉大錯同

哭林太尉

臨矣相猶日新而又增明愛我吟白斷斷肯寬藉海  
望土界天竟飛昇如輪輻輳執要不害月事固無彈  
甘樹以遊正村堪望望眼早禾熟縣香爐朗於西水  
中亦喜勝和空都聞而報財令矣康熾賈豐商長連  
奉咏郊外劉表主喜西二首

端故計宣風界游主  
學字學結暗不辭雷各辭辭世人望風塞濟聲雙音  
穴館答懷堂對面

聖五宜表辭朗山書

豈隕公海至事辭辭古今幸貴莫改聽去勸業非刊

豈期分我至尊餘  
霍舌今年貴莫如  
歸去蓬萊非所望  
正宜澆得腹中書

次韻荅鄭堂後

學字學詩都不精  
虛名猶得世人驚  
鳳騫鸞舞雙奇絕  
始信宣尼畏後生

奉和牧隱先生喜雨二首

中夜喜無寐  
空階聞雨聲  
頃令炎氣散  
頗覺病身輕  
甘澍均遐邇  
休徵賴聖明  
旱禾應漲秀  
鼓腹待西成  
聖上畏天意  
衆髡吟佛聲  
農時要不害  
民事固無輕  
颯爽既終日  
滂沱又徹明  
愛君如白傅  
應有賀詩成

哭柳右使

巨賴長身望儼然  
動人談辯湧如泉  
未知壽夭誰司



新廟登庸只六年

題權小尹守墓詩卷

書中每見孝於親感感神交千載人得不服膺欣慕  
極同時有此慕終身

嚴光大禪師寄惠芽茶

採茶雖復海邊皆唯有嚴光品最佳我自妙蓮知此  
味煩師遠寄慰予懷

奉次崔侍中在盈德時荅朴書生詩韻二首

前後層功若泰山中年身寄水雲邊居民今尚思赤  
舄行跡以應生綠錢雅意未嘗忘在宮此心難併畫  
凌烟談詩想見當時事百世知公善事天  
早識冰清同表裏未應蘂苦異中邊不為夷甫開三

密寧効何曾食萬錢六道共承新雨露孤舟猶記舊  
風烟書沙情味誰知得憶在江陽日望天

次韻奉答牧隱先生

案頭方展簡篇青車騎雍容入我庭柳巷何為不為  
陋東隣便是子雲亭

新秋雨色帶烟青堂上書生不出庭却憶年前此時  
節蓮池幾處賞亭亭

用前韻寄呈廉東亭二首

十年宰相鬢猶青再振儒風爰廟庭若問世間誰具  
眼當年樵隱與思亭

厭見草茅隨意青欲教童稚理園庭聞公有菜可當  
肉嘉種何防寄野亭



送

師歸惠州龍頭寺次韻

漢江吾欲釣槎頭  
聞說龍頭枕上遊  
都下如今送飛錫  
寺前何日繫行舟  
墨巾絲履師應費  
兩笠烟蓑我豈愁  
久要平生崔與鄭  
會將一笑共登樓

八月初九日夜坐

皇天分四時寒暑各有節  
祝融何不憚八月尚炎熱  
今宵金氣應揮扇  
始得輟悠然坐南榮  
仰視軋文烈  
月在石木津  
不見西柄揭

覺雲內顧堂挽詞

衣冠世胄法中王  
物望重為內顧堂  
濁世紛紛非所屑  
未登壽域示無常

心傳佛印利天人  
遊戲斯文藝絕倫  
問法求詩吾有

望無緣更見夢中身

九日陪牧隱先生及諸公登崇文館後甘露寺

南峯次牧隱詩韻

一時人物最風流  
甘露南岡會上頭  
涼吹入松微韻  
作幽花如菊暗香浮  
遠濃近淡群山晚  
心廣神怡極目秋  
老我爾來無可意  
斯辰天不阻斯游

九月十五夜邀牧隱先生登樓翫月次先生韻

雲卷長空露洗秋  
無聲河漢近人流  
濁醪亦是償清景  
黃菊寧須上白頭  
地湧金波澄客位  
天修玉鏡掛吾樓  
請公莫厭留連夜  
不見前賢秉燭遊  
四十九年今已秋  
吾非幾逐水東流  
摧頽不擬附鳳翼  
吟詠聊爲側鵲頭  
紅葉蒼苔防掃地  
清風明月勸



登樓悠然物我相忘處笑殺陶潛強絕遊

尹紹宗待制卅崔氏挽詞二首

五紀人間又五年雙珠眼見桂枝連莫嗟今日仙輶  
遠餘慶應將萬葉傳

家督最知吾淡交終不渝升堂無復望臨紙更驚呼

奉和韓山君所示四首

依歸自昔晚為隣追逐何曾更擇辰相逢或當三夜  
月陪遊時路九街塵故知道氣叅天地豈獨詩篇泣  
鬼神觀感終然多所得却慚猶未免鄉人

殘歲寒風積窮居酒盞踈愁雲低野迥疎雀傍簷虛  
拙可存吾道閑雅愛我廬南窓書課進漸覺日行舒  
風攪長空氣入堂樹聲終夜若煎湯開窓已是三竿

日棄目猶存萬瓦霜

木葉皆彫粟粒掃去來寒雀正依依遠山松柏非無  
陰亦恐鷹鵠起後飛

題雪谷卷子

江谷千年雪未殘人間熟惱敢相干比丘棲息得其  
所遮莫水崖道路難

門生姜淮伯拜代言寄題二首

縫掖芳年拜代言美來今古少如君早知老氣蓋諸  
子光輔吾王好守文

衣鉢相傳古有言陽川知我孰知君如今孰謂吾無  
眼更待春闈見主文

送霜泉長老



懶翁高第號霜泉  
昨子瞭然冰雪顏  
未向石頭曾踢倒  
草鞋遮莫萬重山

曲城府院君廩忠敬公挽詞

無違尊三冠海東  
清明氣質世無同  
兩朝禮樂中研極  
一代功名孰比豐  
年近八旬猶儆戒  
慶流諸子愨英雄  
知公此日無遺恨  
何翅汾陽有始終

初夏

坐歇清漣際  
行穿綠暗中  
花時雖已過  
心賞未曾窮  
韓山君出遊  
神勒寺作二絕句寄呈

公遊雲水憑西教  
我在風塵爲北堂  
但使此心無住著  
人問何處不清涼

黃驪雖是好江山  
莫或携家去不還  
筆削春秋教在

簡宣元豈舍洙泗間

送大護軍直門下李茂蕪按西海

將種世皆數吏材君又良明時選按部令望最重焉  
梨掖議論輟常陰教化揚一方誰不仰春兩或秋霜  
送新進士韓有文歸觀西原

陶隱文士靄雲屯有韓氏子良而溫戰藝文如飡水  
翻落第天遣浚其源今持一勝歸故園將獻親壽宣  
上恩人言同姓古所敦而我與爾皆西原平生心服  
爾家尊懷才抱道卧烟村欲薦一鶚雖所存自未高  
閣難為言于公他年必高門期爾鍊業擢壯元

權希顏外姑洪氏挽詞

家門本積善婦道自無頗半子皆襄俊外孫何衆多



中年夜嘉耦。幾歲患沉疴。此日應歡喜。雙墳對叢叢。

韓山君示賞蓮三首次韻奉答

世我相遺百不聞。任教盛酒瓦為盆。可憐養目心猶在。思見荷花敵浪紋。

荷花宜賞復宜聞。樊宇今無千葉盆。盍聯騎遊觀吾所

願。天機何處錦成紋。

往時廣濟興無涯。觴詠池邊至日斜。蓮興懶殘今不

在。豈非俱是避紛華。

物化今知亦有涯。依然一徑傍池斜。往來馬上增悲

慨。不見荷花見水華。

何人似我舅翁賢。別野開池為種蓮。今歲早餘猶未

發。陪公復往藉田邊。

每笑淵明未苦賢飲中知菊不知蓮先生究在瀟溪  
後俗物無由到眼邊

哭鄭圓齋公權

自少高孤聳士林玄陵感我至誠心折殘丹儘忘言  
苦訓道青宮聖意深若殿天年才得展豈憂時事力  
難任玉樓記罷歸未白首阿彌淚滿襟

與君皆癸酉日月後於吾再從表兄弟更為堂妹夫  
書筵思共侍帳殿憶同趨此路何先去黃泉得見無  
聞鷄有感

嗜睡平生羨夜長幾驚初日入窓明如今五十年將  
至每聽隣鷄第一聲

姜准伯賁 宣醞往草溪迎兩親以來諸公作



詩義之追次其韻

子孝動天意玉明照我儀義談中外播盛事古今稀  
宮醞傾霞液鄉山映錦衣吾門幸有此敢作子雲揮  
奉題致堂

鈍齋賢嗣致堂公方寸虛靈即揚窮知既至來心自  
定曲能誠處理皆通奉先思孝不忘本為下克忠寧  
有躬會見中和天地位男兒到此乃豪雄

黃檜山君裳挽詞

生長中華國豈庸英妙時御筵通禮法賓館善言辭  
射遠久無敵酌多終有儀黃扉幾出入無復見曹隨

七月初有日往藉田田舍荷花始開使人奉邀  
牧隱先生先生以疾不至使其子副使垂示佳

作依韻奉答二首

廢沼蓮猶在荒村日更幽  
蔭翁成獨往詞伯望來游  
意豁寬閑野身輕洒落秋  
紅狂怨不至脉脉摠含愁  
年年碧筒飲往事儘悠悠  
長者思同賞阿戎今共游  
荷生自仲夏花發及新秋

七月晦日欲陪牧隱先生同往賞蓮先生又辭  
以疾明日奉呈一絕

八月天高露欲寒  
荷花幾日不摧殘  
城面尺五惜一  
往無奈愛蓮情已闌

題玉峰上人卷子

不因追琢興磨礱  
雪色冰容映碧空  
幾點飛塵來夢  
意須知拂拭主人翁



卒柳代言妻元氏挽詞二首

君子芳年隔九原心傷草露托祇園  
眼者將相當門戶更有登科内外孫

晚歲田廬壁寺邊書碑半月荷恩憐  
秋風歸葉城東路空想容儀淚洒天

送仲英上人

空花可得劫成灰優鉢曇華頃刻開  
欲與上人評此理上入此去幾時回

題楚谷上人卷子

楚山之谷至寶攸伏深藏石中潤及草木  
世無識者我獨有目未能剖開抱璞以哭  
誰為士人教我雕琢玉人教之先利其器  
去其外麤推理是視彫之琢之

精一無二將見光明照天燭地爾其勗哉毋或中止  
扈駕至南原韓山君在神勒寺寄示絕句次韻  
奉答

君王到此戒三風端拱無為坐法宮地德豈非禪聖

德教歸歌舞遠頑童公自諱官地隨駕  
者十人皆放遠之

病身虛駕冒霜風來占城東一畝宮有故匆匆留不  
得為緣家內官見童

自南原歸松都馬上口占

南原告暇往松京首路三峰東面行雲淡雲濃惱人  
意山明山暗起詩情義材應入俠家因沃壤寧容野  
老耕地德果能延國祚日官宜不念民生

題長湍院樓



雪霰經過人馬勞登樓小憇俯江皋石難聲急水風  
細巖谷氣沈山日高

陟山君朴

元鏡挽詞一絕

天姿恭敬與人忠諳練朝儀靡不窮自古知臣莫君  
若玄陵眷顧異群公

欲追殊遇報無緣視事園陵久愈虔得見先王應自  
喜情鍾我輩枉潛然

次韓山君初夏詩韻

蒼龍行已九旬餘青女來如十月初雨點年來又掃  
少未知史氏若何書

四百六十五年餘遙憶聖神開國初繼繼承承到今  
日昭哉光訓載於書



同門下成公觀察全羅之明年秋行部至于  
錦謂知州李通訓曰吾與子俱出柳巷先生  
之門嗚庠公之捐館若干年矣而其詩未行  
於世盍圖所以廣其傳而垂無窮李侯慨然  
曰固所志也遂募工斲梓功垂告訖而使相  
迂朝李侯亦以治最

徵拜都官云

建文庚辰春正月丙子前戶曹議郎尹會宗  
敬書







